

|                                         |        |
|-----------------------------------------|--------|
| Sier Lorenzo Bragadin fo Cao del Con-   |        |
| seio di X, qu. sier Francesco . . .     | 68. 75 |
| Sier Piero Marzello fo censor, qu. sier |        |
| Jacomo <i>da san Thomà</i> . . .        | 46. 82 |
| Sier Domenego Gritti fo di Pregadi,     |        |
| qu. sier Francesco . . .                | 55. 79 |
| Sier Vettor Moroxini fo proveditor sora |        |
| le pompe, qu. sier Giacomo . . .        | 44. 99 |
| † Sier Marco Malipiero fo al luogo di   |        |
| procurator, qu. sier Marin . . .        | 85. 55 |
| Sier Valerio Marzello fo Savio a terra  |        |
| ferma, qu. sier Giacomo Antonio ca-     |        |
| valier . . .                            | 51. 87 |

*In Gran Consejo.*

*Censor.*

|                                          |         |
|------------------------------------------|---------|
| Sier Marco Malipiero fo al luogo di      |         |
| procurator, qu. sier Marin . . .         | 521.390 |
| Sier Domenego Gritti fo di Pregadi, qu.  |         |
| sier Francesco . . .                     | 297.616 |
| Sier Andrea Barbarigo fo al luogo di     |         |
| procurator, qu. sier Nicolò . . .        | 362.550 |
| † Sier Alvise Barbaro fo Cao del Consejo |         |
| di X, qu. sier Zacharia cavalier,        |         |
| procurator . . .                         | 631.279 |
| Sier Alvise Barbaro dopio.               |         |

Et fo fato altre 7 voxe et tutte passoe.

Da poi il Serenissimo con li Consieri se redu-  
seno in Collegio con li Savi.

211\* In questo zorno a Lio fo fato la monstra, zoè  
l'ascription di cavalli turchi venuti di Dalmazia per  
andar in campo, et vanno sotto sier Hironimo da  
Canal loro proveditor. Fo mandato sier Francesco  
Venier savio a terra ferma con el rasonato. Erano  
cavalli numero .... belli cavalli vestiti a la turchesca  
*cum* lanze et manere in man, vestiti de bianco et  
rosso con le sue banderuole di cendà a le lanze et  
la simitara; non hanno arme alcuna, berete rosse a  
la turchesca. Fo assà brigata a Lio a vederli, et lo  
vi fui con sier Lorenzo Loredan procurator fo del  
Serenissimo, et sier Piero Trun, et in barca li ve-  
dessemo.

Et cussì poi partirono a di 21 ditto.

212 Serenissimo Principe, illustrissima et excel-  
lentissima Signoria.

Hessendo stà electo io Zuan Pisani fo del ma-  
gnifico missier Alvise procurator per gratia di Vo-

*I Diarii di M. SANUTO. — Tom. XLVIII.*

stra excellentissima Signoria in Procurator di la  
Procuratia *de ultra*, dovendo intrar in quella l'anno  
1532 con li modi et condition come ne la election  
mia se contiene, da pò le qual è piaciuto al signor  
Dio chiamar a sè el ditto mio padre che è stato  
obsequentissimo servitor de Vostra Sublimità, ed  
desiderando io per continua memoria de la filial  
pietà et affection mia verso el ditto mio padre de  
intrar in el loco suo de la Procuratia de S. Marco,  
suplico de singular grazia la Serenissima Signoria  
vostra, che per segno de esserli stà grata la fedel  
servitù del ditto mio padre morto ne li serviti sui,  
la si degni concedermi et dechiarir che dove ne la  
mia election se dice « Procurator *de ultra* » et che  
io habi a intrar del 1532 se dica « Procurator de  
la chiesa de San Marco », et che io habi ad intrar  
a primo Marzo proximo venturo, però senza utilità  
alcuna nè di casa nè di salario fino al 1532. Et  
questo serà senza alcuno incomodo del publico nè  
di alcun particular, ma de mio singular contento,  
offerendomi paratissimo con la facoltà et con la vita  
propria al servitio de Vostra Sublimità et Excellen-  
tissime Signorie, a le qual divotamente me reco-  
mando.

*1528. Die 19 Julii. In Maiori Consilio.*

*Ser Andreas Fuscarenus,  
Ser Nicolaus Trivixanus,  
Ser Dominicus Contarenus,  
Ser Franciscus Donatus, eques,  
Ser Hironimus Barbadicus,  
Consiliarii.*

*Ser Bernardinus Iustinianus,  
Ser Petrus Priolus,  
Ser Iacobus Boldù,  
Capita de Quadraginta.*

L'andarà parte, che atesi li meriti non vulgari  
del dilectissimo nobil nostro Alvise Pisani procura-  
tor, il quale, molto più ardente di ben servir la pa-  
tria sua che di haver cura a la salute propria, ser-  
vendo ne la importantissima fazione ove el se atro-  
vava a la impresa de Napoli, è mancato de questa  
vita: essendo cosa ben degna del stato nostro de  
mostrar gratitudine verso el soprascritto suplicante  
nobil huomo sier Zuane Pisani suo fiolo, li sia per  
auctorità di questo Consejo concesso che, sicome ne  
la election sua de Procurator se dice de la Procu-  
ratia *de ultra*, et che l'habia a entrar del 1532,